

Kategorije osiguranih lica koje su oslobođene plaćanja participacije i dokumentacija na osnovu koje se utvrđuje osnov za oslobađanja su:

1. **učenici i redovni studenti do navršene 26. godine života (bez obzira na osnov osiguranja)** - dokumentacija: potvrda o redovnom školovanju, odnosno potvrda o redovnom studiranju, izdata od nadležne školske i visokoškolske ustanove za učenike i redovne studente od 15. do navršene 26. godine života, ukoliko potvrda nije već evidentirana u bazi podataka Zavoda;
2. **vojni invalidi s utvrđenim invaliditetom od 60% i više** - dokumentacija: grupno uvjerenje izdato od Ministarstva za boračka pitanja Tuzlanskog kantona kojim se potvrđuje status ratnih vojnih invalida sa utvrđenim procentom invalidnosti od 60% i više;
3. **civilne žrtve rata i invalidi s utvrđenim invaliditetom preko 60%** - dokumentacija: uvjerenje nadležnog centra za socijalni rad za civilne žrtve rata i invalide s utvrđenim invaliditetom od 90% i 100%, odnosno nalaz i mišljenje Instituta za medicinsko vještačenje zdravstvenog stanja Sarajevo, odjeljenje u Tuzli za invalide sa manjim procentom invalidnosti, a većim od 60%;
4. **članovi porodice šehida, odnosno članovi porodice poginulih ili umrlih boraca od posljedica ranjavanja, a koji su bili pripadnici Vojske Federacije Bosne i Hercegovine** - dokumentacija: grupno uvjerenje izdato od Ministarstva za boračka pitanja Tuzlanskog kantona kojim se potvrđuje status članova porodice šehida, odnosno članova porodice poginulih ili umrlih boraca od posljedica ranjavanja;
5. **penzioneri čija penzija ne prelazi iznos minimalne penzije prema posljednjem objavljenom podatku** - dokumentacija: odrezak posljednje penzije (čeka penzije) u tekućoj godini ili odrezak posljednjeg izvoda o prijemu penzije i kopija rješenja kao dokaz da se ne radi o srazmjernoj penziji odnosno uvjerenje nadležnog nosioca penzijsko-invalidskog osiguranja iz kojeg proizilazi da se ne radi o srazmjernoj penziji;
6. **lica starija od 65 godina, ako nisu korisnici penzije ili drugih mjesečnih prihoda preko iznosa minimalne penzije prema posljednjem objavljenom podatku** - dokumentacija: uvjerenje Poreske uprave FBiH iz kojeg proizilazi da navedeno lice ne ostvaruje mjesečne prihode preko iznosa minimalne penzije prema posljednjem objavljenom podatku;
7. **osigurana lica – štíćenici socijalnih ustanova** - dokumentacija: rješenje mjesno nadležnog centra za socijalni rad o smještaju osiguranog lica u ustanovu socijalne zaštite;
8. **raseljena lica i izbjeglice, ako nisu korisnici penzije ili ako im drugi mjesečni prihod ne prelazi iznos minimalne penzije prema posljednjem objavljenom podatku** - dokumentacija: uvjerenje nadležne gradske/općinske službe za raseljena lica i uvjerenje Poreske uprave FBiH iz kojeg proizilazi da navedeno lice ne ostvaruje mjesečne prihode preko iznosa minimalne penzije prema posljednjem objavljenom podatku;
9. **za osigurana lica koja su davaoci krvi i to lica koja su darovala krv 10 i više puta** - dokumentacija: karton (knjižica) davaoca krvi izdat od nadležne zdravstvene ustanove, odnosno potvrda ili drugi dokument nadležne zdravstvene ustanove;
10. **osigurana lica – davaoci dijelova ljudskog tijela u svrhu liječenja** - dokumentacija: potvrda zdravstvene ustanove iz koje proizilazi da je osigurano lice davalac dijela ljudskog tijela u svrhu liječenja;
11. **osigurana lica koja su prijavljena kod službe za zapošljavanje u svojstvu nezaposlenog lica a koja nisu prijavljena na zdravstveno osiguranje preko JU Službe za zapošljavanje, kao nosioci osiguranja** - dokumentacija: uvjerenje JU Službe za zapošljavanje za osigurana lica koja su prijavljena kod Službe za zapošljavanje u svojstvu nezaposlenog lica;
12. **djeca od 15. do 18. godine života koja su ocijenjena kao trajno nesposobna za samostalan život i rad, a prijavljena su na zdravstveno osiguranje kao članovi porodice roditelja** - dokumentacija: izvod iz matične knjige rođenih i rješenje o trajnoj nesposobnosti za samostalan život i rad, izuzev ako su ta lica već evidentirana kao članovi porodice do 18. godine života.

Pored navedenih kategorija osiguranih lica oslobođene su i sljedeće kategorije i to za period važenja ovjere zdravstvene legitimacije:

1. **djeca do navršenih 15. godina života;**
2. **osigurana lica – korisnici socijalne zaštite;**
3. **osigurana lica koja su prijavljena kod službe za zapošljavanje u svojstvu nezaposlenog lica i koja su prijavljena na zdravstveno osiguranje preko iste, kao nosioci osiguranja.**